

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-49-25822/17
Sarajevo, 29.03.2018. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), te člana 14. stav 2. tačka 1. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke - Vršenje usluge "Izrada projektne dokumentacije za izgradnju etažne garaže u naselju Čengić Vila", u konkurentskom postupku, objavljenom na portalu javnih nabavki broj 422-7-2-259-8-24/18 od 02.02.2018. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Poništava se postupak javne nabavke - Vršenje usluge "Izrada projektne dokumentacije za izgradnju etažne garaže u naselju Čengić Vila", u konkurentskom postupku, objavljenom na portalu javnih nabavki broj 422-7-2-259-8-24/18 od 02.02.2018. godine, obzirom da nijedna od primljenih ponuda nije prihvatljiva, shodno članu 69. stav 2. tačka d) Zakona o javnim nabavkama.

2. Zadužuje se Služba za zajedničke poslove da obavjesti učesnike u konkurentskom postupku o donošenju Odluke o poništenju postupka javne nabavke.

3. Protiv ove Odluke dozvoljena je žalba u roku od 5 dana od dana prijema iste.

O b r a z l o ž e n j e

Postupak javne nabavke Vršenje usluge "Izrada projektne dokumentacije za izgradnju etažne garaže u naselju Čengić Vila", pokrenut je Odlukom o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), u konkurentskom postupku, objavljenom na portalu javnih nabavki broj 422-7-2-259-8-24/18 od 02.02.2018. godine.

Uvidom u dostavljeni Izvještaj o radu komisije i preporuku za dodjelu ugovora, utvrđeno je:

- da je Zapisnikom sa otvaranja ponuda od 13.02.2018. godine, konstatovano je da su dostavljene četiri ponuda i to:

- "URBIS CENTAR" d.o.o. Banja Luka, sa ponudom u iznosu od 25.493,72 KM sa PDV-om,
- "ENERGOINVEST" d.d. Sarajevo, sa ponudom u iznosu od 39.756,60 KM sa PDV-om,
- "M DESIGN" d.o.o. Sarajevo, sa ponudom u iznosu od 37.440,00 KM sa PDV-om,
- "ARTING" d.o.o. Sarajevo, sa ponudom u iznosu od 56.160,00 KM sa PDV-om,

- da je u postupku analize ponuda, Komisija detaljnom analizom dokumentacije kojom su ponuđači dokazali svoje kvalifikacije za učešće u ovom postupku utvrdila da dostavljene ponude ne ispunjavaju uslove specificirane tenderskom dokumentacijom, i to:

- ponuda ponuđača "URBIS CENTAR" d.o.o. Banja Luka ne ispunjava uslove iz tačke 3.2.1. pod 6) Tenderske - dokumentacije – izjava iz člana 52. Zakona o javnim nabavkama nije potpisana od strane davaoca izjave, shodno članu 49. Zakona o upravnom postupku BiH kojim je propisano da: "Stranka, odnosno njen zakonski zastupnik može odrediti punomoćnika koji će je zastupati u postupku, osim u radnjama u kojima je potrebno da sama stranka daje izjave").

- ponuda ponuđača "ENERGOINVEST" d.d. Sarajevo ne ispunjava uslove iz tačke 3.2.1. pod 8) Tenderske - dokumentacije – dostavljene obične kopije potvrda o uspješnoj realizaciji ugovora, a koji su realizovani u posljednje tri godine, vrijednosti najmanje 40.000,00 KM sa PDV-om, a koju je izdala ugovorna strana, a koja obavezno sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora, obzirom da iste nisu ovjerene u skladu sa tačkom 3.2.2. tenderske dokumentacije kojom je propisano da: „Ponuđač je dužan dostaviti u sastavu ponude originale ili ovjerene kopije dokumenata i potpisane i ovjerene izjave“,

- ponuda ponuđača "M DESIGN" d.o.o. Sarajevo ne ispunjava uslove iz tačke 3.2.1. pod 8) i 10) Tenderske – dokumentacije – nisu dostavljene potvrde o uspješnoj realizaciji ugovora koji je u vezi sa predmetom nabavke, a koji su realizovani u poslednje tri godine, vrijednosti najmanje 40.000,00 KM sa PDV-om, a koju je izdala ugovorna strana, a koja obavezno sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora – u potvrdama nisu navedene vrijednosti ugovora, te nije dostavljen dokaz o stručnoj spremi za jedno lice VSS – građevinske ili arhitektonske struke,

- da ponuda ponuđača "ARTING" d.o.o. Sarajevo ne ispunjavaju uslove iz tačke 4.2.1. pod 8) Tenderske dokumentacije, odnosno uz spisak izvršenih ugovora nisu dostavljene potvrde o uspješnoj realizaciji ugovora koji je u vezi sa predmetom nabavke, a koji su realizovani u poslednje tri godine, vrijednosti najmanje 40.000,00 KM sa PDV-om, a koju je izdala ugovorna strana, a koja obavezno sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o urednom izvršenju ugovora (dostavljene potvrde sa manjom vrijednosti ugovora od propisanih 40.000,00 KM).

Kako niti jedan ponuđač nije ispunio uslove navedene u tenderskoj dokumentaciji, to se na preporuku Komisije za javne nabavke roba i usluga, shodno članu 68. stav 4. pod tačkom i) Zakona o javnim nabavkama, dostavljene ponude odbacuju, te je primjenom člana 69. stav 2. tačka d) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis



Općinski načelnik
mr Semir Efendić